

mier, & fut appellé Paul, estoit fils de Ouanda Koca, c'est vn Capitaine des mieux difans de son pays, & par consequent fort estime: Son fils estoit pour le surpasser, car il auoit vne tres-rare eloquence naturelle. Le soir comme ie le faisois quelquesfois discourir, dit le P. Daniel, il coloroit son discours de figures, de Profopopees, sans auoir autre estude ni aduantage qu'une belle naissance, il formoit des Dialogues fort naturels: Bref il s'animoit en discourant avec vne telle grace & naïfueté en son langage, qu'il rauiffoit ses compagnons & moi avec eux. Il n'estoit pas tant instruit que Robert Satouta, d'autant que celui-ci conuerfoit ordinairement avec nos Peres en son pays, & Paul Tfiko n'auoit iamais ouy parler de la Foy qu'au Seminaire: Il estoit d'une humeur gaye, se faisant aimer de tous ceux qui le cognoissoient. L'affection qu'il auoit monstré a nostre Creance, pendant qu'on l'instruifoit, fut cause qu'on le baptisa dans sa maladie, quoy qu'il perdist bien tost le sens de l'aureille.